

Edizione diplomatico-interpretativa

Idem B?.	Idem B.
I	I
LO dolz temps de pascor ab sa dolsa u(er)dor. Nos adui foillae flor. De diu(er)sa color. P(er) qe tuit llamador son gai echantador. Mas ei q(ue) plang eplor. Cus iois noma sabor.	Lo dolz temps de pascor ab sa dolsa verdor nos adui foilla e flor de diversa color, per qe tuit ll?amador son gai e chantador mas ei, que plang e plor, c?us iois no m?a sabor.
II	II
Atoz me clam seignor. De midon. edamor. Aquisti dui traidor. Car mi fiaua en lor. Mi fan uiurab dolor. p(er) be ep(er) onor. Cai fait ala genssor. que nom ual nim socor.	A toz me clam, seignor, de midon e d?Amor, aquisti dui traidor, car mi fiava en lor, mi fan viur?ab dolor per be e per onor c?ai fait a la genssor, que no·m val ni·m socor.
III	III
Las euiure quem ual. Car no(n) uei aiornal. Mon fin ioi natural. blanc efresc autretal co(m) par neu anadal. si camdui p(er) engal mezuren p(er) ca(m)nal.	Las! E viure que·m val, car non vei a iornal mon fin ioi natural blanc e fresc autretal com par neu a Nadal, si c?amdui per engal mezuren per camnal?
IV	IV

Nouim drut p(er) ta(n) leial. Que piez o aia sal. Qeu port amor coral. Enanz dic q(ue) p(er) al. Noma ira mortal. Esi p(er)son fai mal. pechat fai criminal.	No vi·m drut per tan leial, que piez o aia sal, q?eu port amor coral,[1] enanz dic que per al no m?a ira mortal; e si perso·n fai mal, pechat fai criminal. [1] Manca il quarto verso della cobla: <i>ela·m dic no m?en cal.</i>
V	V
Pois fon amdu enfan. lai amada ela blan. Eua i mamors doblan. A chascun ior(n) delan. Esi nos traï enan. Amor ebel semblan. pois er uoil e deman qem aia bon talan.	Pois fon amdu?enfan, l?ai amada e la blan; e vai m?amors doblan a chascun iorn del an. E si no·s traï enan amor e bel semblan, pois er voil e deman qe m?aia bon talan.
VI	VI
Penae dolor e dan. nai agut (et) ai g(ra)n. Mas soffert o ai tan. no mo tei(n)g ad affan. Canc oms no ui aman. meill ames ses engan. Qeu nom uau cambian. Sicom las domnas fan.	Pena e dolor e dan n?ai agut et ai gran, mas soffert o ai tan. No m?o teing ad affan; c?anc oms no vi aman, meill ames ses engan, q?eu no·m vau cambian si com las domnas fan.
VII	VII
BE n for a oïmais saissos. Bella (dona) epros. Qem fos daz geerdos. Dun iazer arescos. Car no(n) sui eno ios. Eia(n) p(er) al no(m) fos. Cus bes ual dautres dos Can p(er) forzaes daz dos.	Ben fora oïmais saissos, bella dona e pros, qe·m fos daz geerdos d?un iazer a rescos car non sui enoios e ian per al no·m fos, c?us bes val d?autres dos, can per forza es daz dos.
VIII	VIII

Can uei uostras faissos. El gen cor amoros. Bem m(er)aueill deuos. Co(m) ses debrau respos. Car be es tracios. Cant oms p(er) francs ebos. Epoi es orgoil los. lai on es poderos.	Can vei vostras faissos e·l gen cor amoros, be·m meraveill de vos com ses de brau respos. Car be es tracios, cant oms per francs e bos e pois es orgoillos lai on es poderos.
IX	IX
Bels uezers sino(n) fos. mas enanz toz en uos. eu lais seira chanchos. p(er) mal (uos) ennoios.	Bels Vezers, si non fos mas enanz toz en vos, eu laisseira chanchos per mal vos, ennoios!

- letto 299 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911 CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatico-interpretativa-1516>